

## SAINT-VINCENT

### Lé vatse perdon pa lo nord

Pa fole lé vatse ! D'iteuguo fè pé dé tsertseur tédesc i guíon qué lé vatse i ché orienton vo sistématisitó sélón lo nord magnétécço. Pé trové sitta drola dé conclujón, eun groupe dé savèn dé l'università dé *Duisberg-Essen*, y a bièn ituguià pieu dé meulle fotografi satellitère dé *Google Earth*. Én analizèn l'orientachón de 8510 vatse deun 380 post diférèn i sembiérie prope pari : qué lé vatse, commèn y aveuye, lé termite, lé ratavoladze é y ujé migrateur, y émpieòn lo tsan magnétécço dé la téra pé ch'orienté. Sitta afermachón a sarie pa pieu drola qué sen : pé sentì lo magnétismo terrestre i no ser mai na sémpia séllula vo dedeun dé tséne dé piquiode calamitte qu'i pason l'enformachón ou servé. É caze totte lé béte pieu évolouè y an sitte séllule. Lé tsertseur y an fè lé méme osservachón dussù 2974 serf dé la Répeblécca Tchéca.

Quén y ét lo vantadzo qué chu gro mammifére i gagnon dé itre bon a pa pèdre lo nord ? La conta a lo di pa.



lo gnalèi



Région Autonome  
**Vallée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

Tiré de :

[www.cybersciences.com](http://www.cybersciences.com)

Texte inédit

Collaborateur de Saint-Vincent : **Nadia Savoini**

La transcription a été soignée par le Guichet Linguistique

Mise à jour de la graphie : octobre 2013